

天方至聖實錄

天方至聖實錄卷之八

起爲聖六年至十三年事實

爲聖六年辛亥韓澤歐墨爾順

韓澤乃聖之嫡叔、毅勇兼人、喜獵、一日遊獵歸來、朝克而白、俗慣凡獵、回必朝克而白、然後歸家、俄一人奔至馬前、告曰、身祝子昂家、人也、方見厄卜折害傷聖太甚、夫折害君之弟也、聖君之侄也、家道宜和、國法宜公、叔強而侄忍、君能忍乎、韓澤聞之、勃然大怒、曰、有

是哉、吾往懲之、迄至見折、害坐塔礎、凶氣勃
勃、乃以弓擊其頭、損語之曰、叔侄相殘、家道
之厲、吾今願穆罕默德教矣、汝再行凶、我卽
汝之對也、汝其知之、遊克而白、回見聖、遂入
教、聖得韓澤爲輔、古來氏人無敢正面視者、
○歐墨爾乃聖九世祖、克而卜九世之孫、赫
他卜之子、亦聖之宗弟也、少有膽畧、雄辯驚
人、嘗曰、使吾掌國、天下當無疑獄、一日聞古
來氏言、韓澤歸穆、則無人與敵、折害雖勇、亦

且被擊。歐墨爾奮起曰：吾將殺穆并殺韓以
安國人。遂提劍出。至索法山。遇渥噶士子塞
爾弟。問曰：歐墨爾何往？曰：往殺穆罕默德。塞
爾弟曰：汝智者也。何爲至愚之事？穆罕默德
聖人也。聖何能殺？歐墨爾曰：汝亦順耶？吾先
殺汝。塞爾弟曰：汝仁者也。殺我何辜？汗汝之
劍矣。哪歐墨爾天聖闢道。普世沾光。吾順教
久矣。主庇我安。汝若順教。保汝與我偕安。歐
墨爾怒曰：殺汝以作殺聖先引。挺劍來殺。塞

爾弟曰汝勇者也、勇于人而怯于妹、何也、妹與妹夫、順教多日、現在延師傳經、盍先殺之、歐遂奔他家、時海爸卜在妹家傳經、聞歐墨爾至、匿衣德妹夫也、迎之、歐墨爾曰、所誦何經、妹爾米納應曰、未也、歐墨爾曰、聞汝夫婦俱從穆罕默德之教矣、有諸、妹曰、然、歐墨爾怒執色依德、欲殺之、妹勸、遭掌面流血、泣曰、勿傷我、我爲真主婢矣、歐墨爾曰、何謂也、曰、吾奉聖人之教、奉事造化天人之真主、不

拜人造之假象矣。歐墨爾聞言，色變曰：聖人之教，何所憑？曰：天經曰：天經何言？與吾視之。妹曰：天經絜物，非絜人，不容取，必沐浴然後可授。彼時歐墨爾心動，出室沐浴。妹入請經。海色卜曰：天經未可授。喀廢兒也。妹曰：吾冀其人教也。捧經出，恰歐墨爾沐浴訖，取讀之。乃他哈篇也。甫誦數節，卽驚曰：能爲此言者，吾應拜之，必非人言也。又誦數節，不禁高聲呼曰：我証萬物非主，惟有真主。穆罕默德是。

主欽差海爸卜聞之喜高念忒克比而從帳
中出曰哪歐墨爾汝來此室昏夜月明矣他
哈之義明月也歐墨爾隨口答曰若引我到
聖闕則太陽光昭焉以聖人爲太陽也海爸
卜遂與色依德領歐墨爾見聖聞聖在韓澤
家至韓家門人見歐墨爾來大驚入報曰暨
人來也衆皆失色獨聖欣然曰吾友來也親
出迎之携手而人曰恭喜歐心神慌怖四體
戰栗對曰弟子願教矣聖命念清真言歐高

聲朗誦聖與羣弟子高念忒克比而聲聞滿
城聖人曰哪歐墨爾吾昨夕告主以歐墨爾
或厄卜折害立一人爲輔夕求而孰得矣衆
皆爲賀歐墨爾進曰道之不明學之晦也教
之不行理不明也請廣其學訓其理使高士
不從則庸愚不得不從風行草偃也雖有强
狠無所施其力矣聖人曰吁歐墨爾汝知之
乎人事盡于時也聖人出弟子從歐墨爾仗
劍先引高誦萬物非主惟有真主穆罕默德

是主欽差二氏人聞之莫不驚駭吐舌曰歐
墨爾亦順矣古來氏人曰吾族逆子也方言
殺穆侯爾順之歐墨爾揚言曰有敢動吾穆
士一草一石者誓必殺之于是衆逆生畏穆
人賴安

歐墨爾建寺造臺

請論

聖后赫底徹成之

自韓澤歐墨爾順後穆人得力聖教稍強計
其順教弟子成立稱士者三十九人補白克
進曰唧真主欽差顯道明教此其時矣聖人

曰尙有待也。歐墨爾進曰：民望之久矣。請大
啟寺宇，高建講臺，以待主命。赫底徹亦力勸
成。盡出已財，買工購木，一力成之。此聖教建
寺造臺之始也。

始赴寺禮拜

此時禮拜尙無定時，第隨人欲禮，則赴寺禮
之。惟聖人早晚赴寺禮拜爲常。

始登臺勸諭

諭臺告成，補白克率衆，請聖登臺勸諭聖人。

曰時且孤弱未可以興補白克曰受命真無
畏人聖人曰汝以予爲畏耶乃登臺歐墨爾
曉諭通城各教士民赴寺聽諭聖立臺上衆
伏臺下止靜息聲乃諭曰感讚真主化育萬
世開闢乾坤章明日月奠定山河發生萬物
選拔人類爲萬物貴賦畀靈明闡發大義民
生而愚忘失起初爰生聖人降之經書明道
設教民斯遵效敬服之勤永福之兆鳴乎人
心溺于異端邪說久矣自爾撒陟降六百年

來聖人不出大道不明妖神爲祟佛氏縱橫
聰明智士旣爲蠱惑庸愚俗子寧免沉淪于
是天眞路塞聖學門封根本大義罔識所從
感讚真主指迷歸正導吾正路啟予聰明昇
子大位普濟羣生人其沉淪予作舟筏人其
枯渴予作甘霖我証萬物非主唯有真主止
一無二我乃真主差使願吾卽順主永享天
國逆吾卽逆主永墮地禁嗚乎爾民毋拜佛
母事神拜主事主是爲正道毋用私母畏人

敬主畏主乃得善果嗚乎爾民敬服斯言祇承主命終身不更永福之慶大衆聽畢無不感服第順逆相半順者毀佛棄神崇奉無像之主逆者曰理固是也第拜佛事神祖父之教一旦更之不安也噫不安于棄祖父之教而安于背聖人此其所以爲愚爲迷也歟

補白克遭擊其母順教

自聖諭後國人順教日勝逆人妬之自聖登臺勸諭後凡二氏及古來氏人相與謀議有惡少耳不順教者通曰逆人

體自古來氏族也曰穆人之勝歐墨爾倡之也撲殺歐墨爾事去一半矣衆曰不可歐墨爾勇無敵補白克其首輔也多謀而弱可擊耳體白乃率羣酋路截補白克擊之從人急救歸第已不醒人事通國人皆傳補白克斃矣至夕稍蘇呼曰聖人如何衆曰汝傷痛乎呼曰聖人如何衆曰聖人安汝無慮呼曰聖人如何衆曰聖在額而干家功課無事汝少進飲食呼曰不見聖人誓不飲食扶我見聖

三平集卷之八 七
衆曰、傷不可移、曰、吾自從聖、卽願爲捨希德、
往、吾所願也、衆起、夜靜、扶往見聖、泣曰、弟子
不能常侍聖輔教矣、聖人曰、爾無憂、無慮、真
主哥爾過、增爾品履、正遭橫大人之微也、聖
以手撫之、傷痛盡除、補白克告曰、弟子之母
昔歸依之、念乞聖誨之、聖奉手告主、昇証
以爲、尼母遂順教、

歐墨爾擊惡少耳體白剗其目

耳體白自擊補白克後、逆人敬之、號爲驍將、

逞凶益甚、盡廢已業而食于衆衆亦樂爲供
之所畏者、歐墨爾也、二氏以言激之、耳體白
欲拚命殺歐墨爾、一日遇歐墨爾于途、毆之、
歐墨爾怒、執耳體白如提鷄、痛擊而剗其目、
衆人追擊、俱被傷、由此逆人懼歐墨爾、凶風
稍息、

弟子請設儀仗扈從聖不准

衆逆因前二次之打補白克愈、耳體白傷益
加忿怒、日夜尋謀詭計百出、不殺聖不休、弟

子懼因請于聖人出門必設儀仗扈從以却
小人之放肆聖人曰吁嘻儀仗扈從王者之
事也王者以位尊吾受命爲聖也聖人以德
尊以位尊者以威服人者也其所成者薄以
德尊者以仁服人者也其所成者厚吾初不
受王位乃欲吾民所成者厚也且王者之尊
以人聖者之尊以主吾欲吾民近主尊不在
近人尊也患難乃聖賢之鑑錫愈加苦厄愈
見光明汝衆以患難爲患難耶今而後吾隨

處行教汝輩其量心力從之

厄卜折害擊聖

其初聖每出必以衆從此時則常獨行或赴
寺禮拜或入市勸諭一日孤行于索法墨爾
渥間遇厄卜折害率多凶以石擊聖額破血
流人報知爾里救之歸弟子進曰嚮也聖以
法禁人諸逆畏之今也忍殺其傷何也聖人
曰嘻汝輩謂吾以法禁人者乎吾無法也吾
在真主掌中也傷吾其淺何如傷彼之深賜

乎汝輩知之力行一日不前吾道病矣學問
一。日。不。增。吾。心。晦。矣。一。日。不。有。災。厄。一。日。不。
起。謗。名。吾。品。低。矣。

逆黨逞凶天神告慰

一日聖獨行于郊被衆擊逃避墨爾屋深處
坐幽岩上慮及羣凶肆惡正道難行不知何
時可了吾受差之責衆生沉迷吾之過也日
而泣下俄哲白爾衣勒降率衆天神詣前
曰真主欽差爾識爾爲聖之品乎曰然憶爾

主闕之尊乎曰然知爾主之不忘爾乎曰真主明鑒清高無忘也知真主之能令萬物皆爾順乎曰真主之恩也抑知真主欲轉移天下之人咸順爾教爲至易乎曰真主無不能也哲白而衣勒曰聖無憂矣萬物不齊見造化之妙也順逆不同見賞罰之公也安危不常顯聖品之大也聖欲罪諸傷爾逆爾之人乎吾輩卽能行之以慰爾心聖人曰吁吾豈爲罪人而生乎吾受命慈憫普世也倏見爾

里率衆弟子至天神退聖歸卽赴寺禮拜

爲聖七年

壬子

教士與黑子而直戰于通唎啞

教士黑子而直兄弟二人名也分居兩地後
皆成巨族漸積成鎮遂爲鎮名通唎啞兩鎮
之間市聚之處其爭之之由未詳邨係兄弟
之族常爲仇鬪而此時尤甚其後聖人爲之
勸釋歸于和好同順王教

爲聖八年

丑癸

古來氏立約書絕哈申人不與交

易不結婚姻

私

鬻者沒其財私餽者奪其食

初因韓澤與歐墨爾俱順教二人者萬人敵也古來氏無人與敵矣海北涉南查王保護巡士甚嚴領下他吏部防衛聖人至密二氏謀窮古來氏智竭逆黨無所措手足矣至是哈申人令族相議曰聖我家人也忍見其受辱乎人允從我家衛之尊之內侮不形則外侮不入矣由是穆人心安于寢食教門大闢于遠邇穆人之風較盛前此十倍天敕降云彼欲息其光真主不容穆欲塗其光于是直

來氏自量不能傷聖、乃問計于二氏、二氏授
計、連盟、合約、從今絕聖、并不與哈申人交立
約書、曰、凡我國人與哈申人、世相爲仇、不通
市易、不結婚姻、不爲朋友、不相宴會、凡遇于
途、或會于室、輕則毆重、則殺、如有以私情買
賣、者沒其財、以私親餽送者奪其食、一家背
約、合國攻之、列名畫押、當衆密封、懸于克爾
白中樑、嗚乎、道之難行也如此哉、教門纔盛
候、遭此一變、禁交易、則服食無出、禁婚姻、則

宗祀無繼其絕之之意深且毒矣二氏之計
殘忍極矣復于一切市口城門置人防察見
哈申人市物卽逐之哈申人無可如何只得
夜者倍價買之私鬻者甚夥不能禁古來氏
復申諭曰不三倍價不與賣穆人多艱婦號
寒兒啼飢日夜哀聲不絕聞者有得意而喜
者有不忍而憐者私爲平價鬻食或相餽贈
而于牆頭取授他吏部嘗恐逆人暗來傷鑿
諄命諸子晝與同坐夜與同寢得食必先進

聖而聖必與諸兄弟共之、復將已分給與、餓
飢之兒、嘗不食、初有一等米、乎得、雖不從聖
教、而知聖爲受命欽差、不與衆約、嘗勸古來
氏曰、彼與爾一本同支也、爾人之子、飽煖安
樂、本家子女、飢寒哀苦、深夜不睡、隣里不寧、
慈心何在、真主亦不容汝人常保也、古來氏
多有悔者曰、吾初與約、不料如此也、皆親族
朋友、忍見其苦難如是耶、于是毀約者過半、
漸有明顯買賣餽食者、祝子昂子哈欽聖后

赫底微之姪也。餽擔麥與姑母厄卜折害截
之。補哈忒喇勸解不允。以腕骨擊折害頭破
餽者脫奚商餽食三擔折害截之交一擔與
耳體白白雖存一目而不能視猶瞽也。率負
者之衣任曳不脫遇韓澤脫之折害亦脫耳。
體白白張空目大罵不休。又有夜餽者爲逆截
之。蘇福揚勸脫。蘇福揚亦古來氏之尊宿也。
正直公惠初不與約。聞國人仇難哈申人太
甚嘗于街市遊行見有不平卽勸解之。故紛

爭截餽多解于蘇福揚云然其心順身逆反復不常而終歸于順其亦根行之有日歟

怯而西王祁西臘遣大將軍社火爾侵魯密勝
至河裡直詔社火殺其弟伏爾罕兄弟領師
魯密返討祁西大勝之斬祁西卽以伏爾罕
擊其國移人歡迎人大恐

怯而西王祁西臘恃威力羨慕魯密遣大將
軍社火爾統兵十萬侵之弟伏爾罕爲副魯
密王改索自將兵二十萬迎之會于沙牧之

國宿里社火仁知勇天下無敵以奇計敗魯
密師追至河裡直駐焉信至墨克逆人喜穆
人憂因法而西人行譯地之教拜佛與逆人
同類故聞其勝喜魯密人爲忒爾撒尊爾撒
之教不拜佛與穆人同類故聞其敗憂及天
經魯密篇降慰之曰敗將勝也穆人之憂少
釋越年魯密果大勝法而西沒其國斬其王
先是社火爾弟伏而罕亦稱萬人敵副社火
爾敗魯密師醉後語羣下曰吾夢服袞衣冠

冤旒坐祁西王位或聞之祁西卽詔社火殺其弟進其首級社火答表曰伏而罕吾國太將也魯密軍甚畏之不可殺復詔曰吾法而西勇將如雲可速殺之表曰殺無罪有累于德且不利于國方今魯密正窺吾人虛實殺伏而罕恐不能拒守矣詔曰汝之弟也不殺且不利于己奚暇慮于國表曰臣甘忤旨罪不殺無罪之弟祁西王大怒下詔革社火而任伏而罕旋發密旨命伏而罕殺社火伏而

罕得位復得旨遂執社火以王旨示之社火
曰吁吾被三詔殺汝而三辭弟以一詔殺兄
耶卽以三詔三答稿示之伏而罕驚曰吾幾
誤矣王以無道殺吾兄弟吾兄弟盡同歸舊
密以答王遂遣使致書與魯密王曰有機密
欲報不宜書請王以五十騎來吾亦以五十
騎迎之面告所以魯密王疑其詐問于羣臣
疑信相半終計曰多帶甲兵以防不虞到彼
只以五十騎對之王率師五十萬差細作前

探伏而罕果只五十騎並無甲兵王亦如之
陣會伏而罕告曰吾兄弟同爲祁西之臣素
以忠義報國前王師敗績吾二人之罪也今
未蒙封賞反欲殺害情愿歸投駕下殺祁西
以信王王曰善遂反兵向法而西一戰如摧
朽擒祁西斬之卽以伏而罕掌其國以應夢
識信至墨克逆人大慚穆人歡聖心亦慰

爲聖九年

甲寅

蠶食約書毀約順教者大半

眞主以蠶魚食約書凡主之名字皆食去凡

禁止字皆反書之、如不字改宜字、沒字改還字、奪字改予字、示覺聖人、宣白他吏部、告于衆曰、吾侄穆罕默德聖人也、其言不虛、今日主命蠶食約書、去其主名、反其約法、夫約書秘藏克爾白、無能私啟、彼何敢妄說、必主示覺之也、今試啟書驗之、其言若謬、吾必殺之、其爲僭妄無疑也、若真汝輩必從之、其爲真聖無疑也、從此不可爲讐矣、衆曰諾、復立約書、然后啟書、先將書與衆次第驗封訖、展視

之果如聖言原爲躐躐之辭今皆改爲和順
之辭凡主名字處皆空約文皆與前文反他
夷部喜衆心懽悅曰真主之斷是也吾輩何
得自相毀親斷族傷殘骨肉古來氏之尊長
大人咸呼曰前約從今毀矣若不毀則只依
主斷之約不依汝私斷之約也真主之命真
聖人之言實吾順穆罕默德之教矣于是國
人爭詣聖門傾心順教惟倡惡數人如厄卜
折害勒害耳體白等及二氏學人不服然亦

嗔怒而散

爲聖十年

乙卯

額卜

他吏部卒

初他吏部疾召諸哈申本支族人子孫于臥
榻前囑曰穆罕默德天地之貴萬聖之尊也
生于亂世輔者少害者多先君囑我保衛至
今四十二年吾未嘗一刻懈怠若託之諸叔
未必保全至于今日也吾今病勢不能起約
噶爾等仰體先意共尊穆罕默德爲國主輔
助之歸信之忠孝兩盡兩世俱安也聖泣曰

叔無我顧、請自保、誦清真言、他吏部曰、吾守
祖父教矣、厄卜折害從旁曰、守祖父之教、自
是聖曰、祖父之教、二氏之教也、吾其受命行
真主之教矣、二氏之教、偽真主之教、真請叔
從真去偽、誦清真言、折害怒曰、祖父不如兒
孫耶、他吏部曰、呼吾自有方寸、勿亂吾諸人
退留聖私語之曰、吁、吾姪穆罕默德、吾豈不
知汝道之真乎、古來氏人嘗譏我、懼禍而順
也、安時不順、危時順、且視汝之行教、苦厄備

嘗吾老矣畏煩也、諸族國人嫉妬爲性、吾恐
吾一順人、愈傷汝也、聖曰、能爲主僕、主能保
安、災厄賢聖所不免、吾望叔以道重身後安
也、叔誦清真言、則安矣、他吏部曰、吾有汝何
愁不安、言訖斃、時年八十五歲、

論曰、嗚乎、他吏部保聖之功大矣、惜乎未
得正而斃、其率人以愚者乎、聖幼穉、卽蒙
愛重、過于已子、迄八歲撫養、至于成人、行
止坐卧、一刻不離、親爲治饌、不與衆食、賈

沙牧視醫卜防患禦疾其就業之心可謂
至矣至爲聘妻室盡費已有而不慮己子
之無計堅辭賄賂不順人情甘與國人成
仇不與衆約忍受飢寒得食必先供之聖
不以被累而怨其愛重之誠可謂切矣善
類感其仁惠惡黨懼其威嚴不敢正面視
聖至于臨卒遺命推聖爲國主囑兄弟子
侄輔之助之歸信之衆人無敢與爭者則
聖之所托于他吏部生前死後者可謂深

厚極矣其保護之功詎不大矣哉其云若
托之諸叔未必保全至于今日不虛也然
而其所以愛之重之保護之非爲其爲子
爲侄也乃爲其道德之尊也如云穆罕默
德乃天地之貴萬聖之尊也旣知其尊貴
而不從其教化何哉子爲天子諸叔必從
其令孫爲天子諸祖必守其法不從聖人
之教而曰有祖父之教天下古今有祖父
之教大于聖人之教者乎至聖出則一切

聖人之教俱革、況祖父之教乎、他吏部愚
矣、他吏部身爲家長、爲國君而任愚、則是
率人以愚者也、人生于愚而求智、他吏部
生于知而任愚、知于道德、愚于世法、可也、
獨愚于道德、是何心哉、是以其所以不得
正而斃也、世固有疑于他吏部者、有如是
功績、不應以不得正論之、是以不知天命
之重者也、他吏部其于聖之受命也、確信
乎、不確信乎、確信則不應違天命而執祖

教不確信則其非得正明矣何疑哉噫凡
後世之守祖教而違聖人教者皆他吏部
之屬也其罪不亦大矣哉

聖后赫底微卒

初后以他吏部病勤奉湯藥感疾繼而他吏
部卒念聖教尙未大行而先怙諸叔強忍聖
不以王威振伏之憂鬱不起泣謂聖曰妾自
侍君二十五年志在輔君行道沾君之福而
觀光天下一統之盛今不幸中殂君其保

自安自愛以教生爲重以受命之責爲急釋
釋我眞寔之望也萬物非主惟有眞主汝寔
眞主欽差也閉目而卒時年六十五歲

蓋後他吏部卒
一月有五日

論曰后之美德無窮皆超乎人表而可爲
天下後世教約其目則品度學問才能見
識廉潔仁惠忍耐擔待也自幼穉卽舉止
端嚴不苟言笑爲王宮主不事華飾不驕
愚賤潛心古學物色聖賢受業後經營貨

殖藉以廣仁惠、試人才、不輕字人、四十歲始得聖歸之、至于爲聖之徵兆、天神之動靜、降經傳命之規模、無不通曉、則亦似非凡間女子矣、其曰王者以仁貴、聖者以貧尊、以至盡捨其所有、以成聖、其爲教于天下、後世爲聖爲王爲貴室者、深矣、至于修天房、建寺宇、毫無德色、通國爲讐、嘗曰不食、絕無怨尤、臨卒、諸凡不問、只以教生爲念、天命爲急、以身後之脫離爲專望、則前

清真言而歸其存順沒寧之意亦槩見於
噫嘻天下古今若此巾幗曾有幾哉視彼
鬚眉丈夫爲長爲君而任愚者天壤矣一
爲天下教一爲天下愚治亂之辨優劣之
分也審矣

凡卜勒害卜護聖復叛

聖子兩喪之後皆居室數日逆人曰穆罕默
德上無恃內無室行教之心餒矣于此際征
之根可拔也由是古來氏酋風復熾韓澤歐

墨爾請曰、弟子望顏甚切、請赴寺并安衆、穆
之心、聖人明日出厄卜、勒害至歐墨爾曰、彼
叔也、爾叔也、他吏部死、汝爲諸叔長、盍治服
衆人以安衆心、且聖每思汝爲輔、以汝瞻勇
無敵也、勒害喜譽、應曰、吾願輔之、遂出門、曉
衆曰、吾護聖矣、有凶徒厄里則毀聖、勒害擊
之、衆逆皆驚、曰、勒害順教矣、勒害曰、吾護之
也、非順也、厄卜折害曰、護猶順也、二氏曰、護
之以滅祖教、是自滅祖教矣、勒害獨不問置

祖父于何地乎。勒害曰：是也。吾將問之。入。父祖之歸着何如。聖人曰：如其民。出曰：如其民。衆曰：如其民。不亦外道乎。聖人曰：凡先王受命而歿于先聖之教者，正後吾受命而歿于祖教者，迷出以對衆。衆曰：爾卜。篤穆託夷。部汝之父也。生不拜佛，何如其民。復入曰：吾之父汝之祖也。生不拜佛，何如其民。其民且拜佛而濫觴。聖人曰：民行君道也。民不如君，何稱其民。君不如民，何稱其君。吾聞之曰：不

治其罪、且與其會而受祭肉、至于如今、汝輩
拜佛無忌、是其無禁也、叔端以拜佛爲是耶、
非耶、拜是則不拜爲非、不拜是則拜爲非、今
叔皆拜佛、則當何處勅、答怒曰、然則吾人皆
外道矣、瞋視而出曰、吾不爲其護矣、仇恨益
深、門人進曰、聞之一子護正七祖蒙休、以至
貴之聖、不能保庇其祖父耶、聖人曰、主命也、
跡斷而已矣、七祖蒙休、罪也、非逆也、逆無赦、
吁噫、汝衆抑知吾于民猶君、吾于主猶臣也、

教於他益府被擊

臣可庇祖父之罪、不能庇祖父之逆也、惟君命之是聽、然吾亦不能無企幸于主也

先是聖以墨克俱順、惟首惡數人、及二氏頭目、執迷弗悟、不可教、乃思行教于遠、問于門人、隣近諸邑、孰可先教者、咸對曰、他益府人仰聖教、若先向彼、其順易也、聖喜、于是年少哇立月、往教于他邑、厄卜勒害聞之、曰、吾往阻之、先驅至他邑、告其民曰、城爾祖父

教、拔爾祖父之根者來矣。合殺之衆、詢故、
言曰、盡滅佛教、以我等祖父爲不赦之罪。衆
曰、佛原譯地之教、事之無益、滅之是也。毀吾
祖父、不容也。及聖至、衆不納、勒害咬羣、凶暴
之足、波血流返。

細黑勒勒

聖由他邑府歸、至納黑勒大鎮也。此地曰東
林、夜宿禮拜、有七人來、習禮聽頌、從之。躬即
次、夜亦然。聖記其名字、皆神祇頭目也。

鎮守穆士安扈歸墨克

聖寓察林數日欲歸、額爾宛寓主人也、曰、方
今逆人截路、操戈以待、宜請鎮守穆士安扈
從歸國、穆士安喜曰、聖人也、親率子弟、戎服
進之、請過厄卜折害、曰、君順其教乎、安曰、吾
保護來也、汝欲何爲、折害唯唯曰、君保護之
小子亦合保護之、由是聖復得安扈克

教子察基府破擊毘勒比而苑使者識之

先是他益府有兄弟三人、酷信佛、因他已禁

佛事遷居塞基府、聞聖人來相議曰、吾各以
一言阻其教、曰、若爾果是主差、何不使爾
先治墨克、曰、墨克城不止爾一人、何獨差
汝、曰、若爾之言真、爾是聖人、爾品尊、執吾
輩、小人不放與汝言、若爾言謬、吾又不棄與
爾言、噯、羣內以石擊之、聖不能留、遇勒比而
善士也、憐之、歛于別圖、緣葡萄新熟、命使以
進、聖念特恩、米葉取之食、使者異之、曰、此地
無人念此也、聖人曰、汝從何教、對曰、爾撒裔

何處人氏對曰寧注聖曰郁訥思城也使爾
君何以識郁訥思曰吾兄也亦聖人也使爾
地叩首歸命勒比而曰此人聖人也今之世
未有高于此人者矣

教于欽德克爾卜哈你法諸國俱不順教于圖
密爾查秘立氏順之

以上凡教于六國俱不順反欲傷之惟一查
秘立氏順

或曰穆罕默德至聖也其行教應如日之

照臨無處、不光海之流行、無到不潤、何所
至有不順也、曰是有數意、一則見聖躬之
勞悴、一則著聖績之雄偉、蓋功績以勞悴
而成、是以雄偉也、一以驗人心之忠順、奸
逆、一以成諸輔道衛教者之勲猷、譬如刺
國、假使一鼓可平、何以知其孰爲忠臣、孝
子、孰爲愚夫、愚婦、且何以爲封功論賞之
高下乎哉、然錄中只言教而不順、有綱無
目、亦因數國小邑也、不必瑣贅數其阻陪

只不順二字則聖之一住之覺覺勞勞一
一返之煢煢蹇蹇意俱見矣

教神寧注

聖諭諸門弟子曰其主命吾教神汝眾誰從
吾往眾默然無對再問又無對三問又無對
聖起座易卜尼默思歐弟應曰弟子願往夜
至高阜平坦處以杖畫一大圈徑丈餘命易
卜尼中坐授以訣口誦心持勿出待歸聖高
誦天經神祇篇往漸至不聞其聲易卜尼坐

園中忽見一大鳥撲下突起鳥雲障之又有
野獸來侵心中恐怖忽聞拄杖捋地聲曰勿
動又聞喧嘩聲少焉雲開鳥沒獸去聖歸曰
有見乎易卜尼以所見對聖人曰嘻爾若出
園心遭禍矣鳥欲撲汝有雲爲天網故不敢
下獸欲侵汝有園爲圍城故不能入也吾見
汝欲起亟以拄杖捋地戒汝也喧嘩之聲乃
一種鄙神名納綏兵此云資饗爭野食聲也
吾以訣授汝故不爲害

納銷德氏

聖既喪后、人皆以子女獻、不納、門人恐聖人之志在遠遊、亟請納室、爲擇于富貴尊宿之女、聖人曰、婚嫁之道、以二姓之樂從、苟貧富不相值、則惟富氏之愿、赫底微以富貴之冠、從吾更能盡捨其所有、以成我、彼德全矣、吾心方慚愧、無已、則惟至貧之女、吾所喜也、因得鎖德容德、具美、以赤貧歸之。

補白克以女阿以沙進受命納之

補白克富有女名阿以涉甫六歲欲以獻聖而大小及見聖納極貧之鎖德中心怫鬱夜夢神人諭宜以阿以涉獻備後宮阿以涉亦得夢告父辭同聖于是夜夢孺女傍坐問其名曰阿以涉補白克女也晨補白克携女至道其意聖曰吾納鎖德矣補白克曰鎖德貧而無依聖人曰依于吾矣吾以貧爲榮也少焉哲白爾衣勒奉命至曰阿以涉迺主界爾繼爾以傳道少其年欲以永其事也汝其勿

辭聖人曰必有媒妁哲白爾衣勒曰吾卽媒
妁也聖人曰未可以爲法請更之乃以好勃
氏爲媒歸焉

爲聖十一年丙辰黑子爾直人順。

黑子爾人富庶勇而知禮久聞先輩言末世
聖人之教久企慕之及聖人受命不知其卽
末世聖人也見國人皆與爲讐不敢遽從又
因數年前與教士一戰喘息未歇至于今聞
聖人之教大明國人順者大半又聞聖人將

受命征伐順之者身財兩全逆之者身財難保乃通族計議率來從順由是墨克四鄉村鎮亦多人教者

遣弟子六人往教默底納通國欣順

爲聖初年曾有默底納老人古來則率鄉長數人來墨克入教并請聖遷默底納聖久欲往教因路途修遠且未受命至是年嘗夢坐曠庭周圍萬年棗樹訪之萬年棗天下惟默底納產之因遣六人往教于默底納并規其

忱惻歸曰國人無不瞻仰聖化者

始立輔士十二人

阿爾壁之大戶曰教士曰黑子爾直二戶皆
好勝當事爭戰黑子爾人恃勇而智是歲黑
子爾人人教悉教士人爲禍請聖備武禦之
聖不允特選文人道高學富者十二人爲輔
羽翼聖教蓋以禮義爲干櫓也

爲聖十二年丁巳七月勒哲卜登霄

是歲勒哲卜月二十有七日夜聖宿姑母阿

體克家夜將半聞虛空倏然有聲恐天命
亟起危坐哲白爾衣勒率無量數天神奉
主之命以寶瓶仙水衣冠履帶仙馬來召
登霄聖由銷法墨爾襪間出哲白爾衣勒
轡諸神扈從至擺脫裡默思至德古天房也
而上越塵及虛超七萬光暗之幔歷九天
而上一路見諸奇踪異跡會諸古聖賢王
至無方位無何有之境對越真主親聆妙
語有形之界面見無形之主如鏡出袋爲自照也非主在九天之上也主無方位也

化之始、至于終、窮之後、幽明巨細、善惡賞罰、以及天堂之樂境、地禁之苦所、一切所有之象、一切所有之理、一切所有之事、無不備見、備識于一息升降之頃、此殆聖人形超天地、道徹幽明、天人渾合之會也。另有登霄錄詳述其一切所見歸而語諸弟子、時有朱乎得在坐、不信于一頃刻而歷億萬程、億萬事、歸而命婦烹魚、取水河邊、倏化爲美女形、會有王孫獵至、載之歸、閱七載、生數子女、榮貴無似、因念昔日之

事倏復舊形遂潛逃至河邊水器仍在取之
歸婦方烹魚未熟異之往告聖人聖人仍在
寺說登霄事未已聞聖呼曰某去而復來可
將所遇白衆俾釋疑議朱平得益驚曰聖早
識吾之所懷矣因白衆所遇自悔疑罪皈依
入教焉至今千載尙存懸石以爲登霄上馬
之證云

始定五時禮制

前聖教門禮拜無定數多至一晝夜五十番

主制之拜、吾聖爲聖後、雖嘗禮拜、初亦未有定制、至登霄、請爲教生定制、初命亦五十番、聖念教生羸弱、懇求減至五番、以見聖人恤衆之至意、更感真主雅請之洪恩也、五番之數、定于此拜、中立躬叩跪之儀制、亦全于此、命曰汝之拜、乃立躬叩跪、頌經、與讚辭也、汝命汝教生、如是禮拜、惟禮拜一功、包蘊天地人神一切功、○禮拜儀制曰、拜者身乎、主宰之謂也、曰禮五時、密于昭事之功也、有條

例有儀則、條例先沐浴、盛服潔處、正時正向、
舉闕一而禮不成也、儀則者、先端立、舉手領、
經、鞠躬叩首、跪坐、闕一而禮不成也、禮拜中、
神存心臨、內懷外兢、毋外慮、毋旁顧、毋搔手、
毋舉足、毋作聲、故犯者、復禮一日五禮、七日
一聚、一年二會、晨禮四拜、主制二、聖則二、晌
禮十拜、主制四、聖則六、晡禮四拜、主制四、昏禮
五拜、主制三、聖則二、宵禮九拜、主制四、聖則
二、典禮三、聚禮十拜、主制二、聖則八、會禮二

拜與禮凡禮拜務守其中日禮可補聚會無
補惟大人有明禮有夜功有祀親之禮祀禮
二拜明禮夜功無數俱詳見典禮聖人曰禮拜乃
滌罪之泉行教之柱近主之階也蓋以禮拜
有開邪存誠之功拜跪起止見幽明化育之
理此趨踰踰寓天人合一之機禮拜之義微
矣哉

始禱特禮

初哲白爾衣勒引聖登霄至七天而止曰吾

位止此矣。請聖自登。如至尊闕。可代我一拜。
聖至尊。闕禮二拜。因一拜不成禮也。方欲出。
條聞命曰。起。頌再舉手。念古努武。告辭也。乃以
三拜成禮。聖歸。諭衆曰。真主增汝人一番拜。
汝須知其叩衛特禮也。其拜禮于宵拜後。

如定約法

聖自登。告衆主成命。與民定正約法。曰。不二
主。不周人。不好。不盜。不殺。人殺人者死。傷人
者償。盜物者還。奸淫棄市。誣人者如罪。二主。

者逆、奴其身、入其財、沒其家、國保約者、兩世
吉慶、壞約者、必有後殃、

遣穆爾索卜領十二輔傳教默底納

穆爾索卜乃聖人弟子、明經博學、時稱達士、
聖既定禮制約法、乃遣穆爾索卜領十二輔
士、往默底納傳教、改定禮儀約法、悉從新例、
其已前之陋規、盡行革除、

爲聖十三年戊午墨克所屬郡邑會盟于墨克之
爾臆白

先是聖既申約法國人從之致于默底納默
底納人從之傳旨于諸所屬郡邑皆曰取治
之道也因會盟于墨克聖率門人暨十二輔
與諸邑長凡七十餘人會于蘭肱白墨克申南郊
明約法其義通盟古來民長爾巴士聖之嫡
孫高聲呼衆曰爾衆須知今日之會何謂
也爲保穆罕默德乎穆罕默德乃天生篤愛
之聖也無需人保天自保佑之但爾衆有保
衛之恒心愛天之所愛必得身後之福抑爲

傷穆罕默德乎穆罕默德乃天生革命之聖
改革教門、滅除佛像、是其專任、欲害卽就今
日害之、毋待後日、矛盾汝衆須知、今日穆罕
默德之所以與汝衆會盟者、非自爲利、實爲
利于汝衆也、身前行邪道、身後乃得正果、
且聖將受命征伐、順之者昌、逆之者亡、身財
不保、悔也無及、汝等各用良謀、各成善果、苟
蓄他心、仍欲害聖、須知吾輩非等閑人、必能
衛之、宵小技倆、不懼也、此時爾巴士尚未順

教而爲此言者有三意一以固衆人之約一以彈壓宵小之念一爲有古來氏尊宿伍稗益子者、畜念不測、有一言興喪之能、使之聞之、不得、擗衆爲禍也、衆齊聲呼曰、吾君之命、敢有不從、愿服勤勞、保聖無替、凡有傷聖、卽吾之仇、內有奚叅進曰、向也吾與朱乎得有約、今毀彼約而從此約矣、第恐聖道不常勝、復爲彼執、又從事于彼、奈何、聖人哂之曰、吾道之勝、以人耶、力之勝、暫也、道之勝、永也、注

欲福其人必先試之禍能忍于禍斯可授之
福忍之忍之主必佑之衆乃歡應曰展手遂
展手相拿次第與盟

命德繼德繼德納德衆德先行聖人俟命

先是會盟後有逆黨二氏之首領暨古來氏
之惡族厄不折害勒害等見國人俱順遠邑
會盟則聖教之根固彼茂愈難剪伐矣仇忌
益甚惟有以強欺弱以長凌幼順教之男女
日不聊生或避或逃不可勝數聖人受命遷

默底納第未有明期至此乃命穆人愿遷者
先往由是門人穆衆陸續俱遷最先遷者額
卜色里默也惟補白克爾里從聖墨克侯命
因補白克弱阿里少自幼從聖未離也韓澤
歐墨爾請從駕聖人口吁力足能勝敵也力
不能勝時也汝等以力勝者也先往可也吾
之事不需力

大方廣聖賢錄卷之八終